


中國戰爭形勢圖說附論

中華民國紀元前二年九月十五月初版

中華民國四年九月二十二日再版



著者

瀏陽盧彤

發行者

同倫學社

代發行所

各埠大書坊

中國歷史戰爭形勢圖說附論卷下

劉陽廬 形廬山著

唐由太原定關右形勢圖說

初秦王世民有安天下之志。劉文靜結納世民，引裴寂與世民交，令其說淵。寂以晉陽宮人私侍淵，劫淵舉事。淵乃使文靜詐爲敕書，發兵擊高麗，以激人情。復假討劉武周，命世民、劉文靜、長孫順德、劉宏基募兵。王威、高君雅有異心，淵以計斬之。復以計退突厥。文靜復勸淵與突厥相結，遂自太原舉義。隋恭帝義甯元年，西河郡不從淵命。六月甲申，淵使建成世民將兵擊西河郡丞高德儒，閉城拒守。己丑，攻拔之，執德儒至軍門，斬之。餘不戮一人。秋，毫無犯，各慰撫使復業。遠近聞之，大悅。建成等引兵還晉陽。

隋太原郡治晉陽

往返凡九日。淵喜曰：「以此行兵，雖橫行天下可也。」遂定入關之計。秋七月

壬子，淵以元吉爲太原太守，留守晉陽宮。

晉陽宮即今太原縣治

癸丑，淵帥甲士三萬發晉陽。丙辰，淵至西河。

慰勞吏民，賑贍窮乏。民年七十以上，皆除散官。其餘豪傑隨才授任。壬戌，軍賈胡堡，去霍邑五十餘里。代王侑遣虎牙郎將宋老生帥精兵屯霍邑。左武侯大將軍屈突通將驍果數萬屯河東，以拒淵。會積雨，淵不得進。淵復李密書，卑辭以驕其志。宋老生等未下，或傳突厥通與劉武周將乘虛襲晉陽。淵欲北還，世民哭諫，乃止。世民破斬宋老生。戊午，淵帥諸軍圍河東。屈突通嬰城自守。將佐復推淵領大尉，增置官屬。淵從之時，河東未下。三輔豪傑至者日以千數。淵欲引兵西趣長安，猶豫未決。裴寂曰：「屈突通擁大衆，馮堅城，吾捨之而去，若進攻長安不克，退爲河東所踵，腹背受敵，此危道也。」

不若先克河東。然後西指長安。恃通爲援。通敗。長安必破。世民曰。不然。兵貴神速。吾席累勝之威。撫歸附之衆。鼓行而西。長安之人。望風震駭。智不及謀。勇不及斷。取之若震槁葉耳。若淹留自弊於堅城之下。彼得成謀。修備以待。我坐費日月。衆心離沮。則大事去矣。淵兩從之。留諸將圍河東。自引軍而西。庚申。李淵帥諸軍濟河。甲子。至朝邑。舍於長春宮。關中士民歸者如市。丙寅。淵遣世子建成。司馬劉文靜。帥王長諧等諸軍數萬。屯永豐倉。守潼關。以備東方兵。慰撫使竇軌等受其節度。世民帥劉宏基等諸軍數萬人。徇渭北。慰撫使殷開山等受其節度。己巳。淵如蒲津。庚午。自臨晉濟渭。至永豐倉。勞軍。開倉賑饑民。辛未。還長春宮。壬申。進屯馮翊。世民所至。吏民及羣盜歸之如流。世民收豪傑以備僚屬。營於涇陽。勝兵九萬。乙亥。世民自鰲屋遣使白淵。請期日赴長安。乃命建成選倉上精兵。自新豐趣長樂宮。世民帥新附諸軍。北屯長安故城。至並聽教。丙子。淵引軍西行。冬十月辛巳。淵至長安。營春明門西北。隋京城十門。東三門。中曰春明。諸軍皆集合。二十餘萬。淵命各依壁壘。毋得入村落侵暴。屢遣使至城下。諭衛文昇等以欲尊隋之意。甲辰。淵命諸軍攻城。約毋得犯七廟。及代王宗室。違者夷三族。十一月丙辰。軍頭雷永吉先登。遂克長安。淵迎王於東宮。遷居大興殿後廳。姚思廉扶王自順陽閣下。泣拜而去。淵還舍長樂宮。與民約。治十二條。悉除隋苛禁。

論曰。秦王世民之用兵。神乎神者也。唐之取天下。難於漢。而其得天下。易於漢。此其所以神也。漢起兵沛邑。天下分裂。豪傑景從。唐則初起時。使文靜詐敕書發兵。以激人情。復假討武周募兵。則當日人心未盡去隋也。義旗未建。王威高君雅欲。因晉祠祈雨爲不利。使無世民晉陽宮城之甲。

則唐祖之命在旦夕矣。其難一也。漢初起沛令以沛資劉季。唐則王高繫獄突厥。以數萬寇晉陽。入外郭北門。出其東門。淵令勒兵爲備。悉開城門。夜遣軍出城。旦復張旗鳴鼓。從它道來。突厥不能測。乃留城外二日。大掠去。其難二也。鉅鹿戰後。秦勢瓦解。高祖乘之。長驅霸上。唐則兵發晉陽。駐西河。隋將屈突通將驍果數萬。以相拒。會天積雨。兵不得進。乃令文靜求盟。突厥李密盜據河內。欲爲盟主。唐復卑詞以驕其志。令其塞成臯之道。綴東都之兵。使密有遠謀。率兵西指。則唐勢危矣。其難三也。有此三難。宜其得之難於漢矣。乃漢與楚相距。滎陽成臯間。數歲危而後安。唐則定關洛。清東都。平江表。掃河朔。風馳電掣。而天下底定。以此知秦王用兵之神也。當淵與宋老生困守時。或傳屈突通。劉武周將乘虛襲晉陽。軍糧復缺乏。危在旦夕間。淵軍北還。秦王號哭帳外。乃得止兵。霍邑一戰。秦王格殺至數十人。大破老生。遂有臨汾。於是淵自梁山濟河。指韓城。逼邵陽。鼓行西進。直據永豐。以建成守潼關。備東方兵。秦王率兵西循渭北。營涇陽。長安遂下。夫太原天下之腰膂。由太原而東出天井。下壺關。邯鄲。并陘。惟吾所向。由太原而西下龍門。越臨晉。涇陽。渭北。折筆并服。是故以太原規關陝。兵法所謂動於九天之上者也。秦王之言曰。今兵以義動。進戰則克。退還則散。衆散於前。敵乘於後。死亡無日。何得不悲。夫以李氏而禦老生。退河西而至晉陽。亦何至遽蹈死亡者。特以河西不下。則關中未可圖耳。關中不得一旦密鼓行而西。據有關中。則天下事去矣。此則秦王用太原以取天下之偉略也。渭北關中之屏蔽也。爭關中者。必據渭北。猶爭金陵者。必據江北。爭廣陵者。必據淮北也。秦王知之矣。秦王之言曰。兵貴神速。吾席全勝之

勢鼓行而西。長安之人智不及謀。勇不及斷。取之若震稿葉。夫關中四塞之地也。兵據長春。則東面之險失。兵循渭北。則北面之險失。唐以一支阻東面之敵。師而世民身率重兵疾馳渭北。始營涇陽。繼至鰲屋。由長安而北而西而南。長安在吾掌握中矣。此又秦王規取關中之至計也。王當秦議引兵西指。裴寂則謂當先攻河東。謂兩從之。然使專從秦。王厥後唐兵入關。元吉留守太原。武周計通雖有堅城關陝。既失不能為若從寂計。則兵機失矣。南侵元吉還陝。賊勢遂熾。高祖欲棄大河以東。謹守關西。秦王乃平殄。武周克服。汾晉王業所基。既失復得。蓋太原唐室之根本。關中天下之根本。無太原是無關中也。此其道。唐高不知也。夫以唐高之沉毅而不知取天下大畧。彼秦王者固龍鳳天日。殆有天授者哉。

郭汾陽克復兩京形勢圖說

初子儀以河東居兩京間。扼賊要衝。得之則兩京可圖。乃自洛交趣河東。河東降。時諸軍皆集鳳翔。江淮庸調亦至。肅宗至德二年。召子儀赴行在。秋九月。勞饗諸將。遣攻長安。謂子儀曰。事之濟否。在此行也。子儀對曰。此行不捷。臣必死之。回紇懷仁可汗遣其子葉護等將精兵四千餘人來至鳳翔。廣平王俶將朔方等軍及回紇西城衆十五萬發鳳翔。淑見葉護約爲兄弟。護大喜。謂俶爲兄。至長安城西。陳香積寺北。澧水東。李嗣業爲前軍。郭子儀爲中軍。王思禮爲後軍。賊將十萬。陳其北。李歸仁出挑戰。官軍逐之。陳逼。賊軍齊進。官軍卻。嗣業曰。今日不以身餌賊。軍無子遺矣。乃肉袒執刀大呼奮擊。殺數十人。陳稍定。於是嗣業帥前軍各執長刀如牆而進。身先士卒。所向摧靡。嗣業又與回紇出賊陳後。與大軍夾擊。自午至酉。斬首六萬級。賊大潰。餘衆走入城。迨夜。囂聲不止。僕固懷恩言。

於廣平王俶曰。賊棄城走矣。請以三百騎追之。縛取安守忠。李歸仁等。俶曰。將軍戰亦疲矣。且休止。俟明日圖之。懷恩曰。戰尙神速。何明且也。俶固止之。遲明。謀至。守忠歸仁與張通田乾真等皆遁。大軍入西京。先是上欲速得京師。與回紇約曰。克城之日。土地士庶歸唐。金帛子女歸回紇。至是葉護欲如約。廣平王俶拜於葉護馬前曰。今始得西京。若遽俘掠。則東京之人皆爲賊固守。不可復取矣。顧至東京。乃如約。葉護驚躍下馬答拜曰。當爲殿下徑往東京。卽與僕固懷恩引回紇西城之兵。自城過營。滌水東。軍民胡虜見俶拜者。皆泣曰。廣平王眞華夷之主。上聞之。喜曰。朕不及也。俶整衆入城。百姓老幼夾道歡呼悲泣。俶留長安鎮撫三日。引大軍東出。子儀引蕃漢兵追賊潼關。斬首五千級。克華陰宏農二郡。獻俘百餘人。上遽赦之。張通儒等收餘衆走保陝。安慶緒悉發洛陽兵使嚴莊將之。就通儒以拒官軍。步騎猶十五萬。子儀等與賊遇於新店。賊依山而陳。子儀等初與戰不利。回紇自南山襲其背。於黃埃中發十餘矢。賊驚顧曰。回紇至矣。遂潰。官軍與回紇夾擊之。慶緒黨走河北。殺所獲唐將哥舒翰程千里等三十餘人而去。廣平王俶入東京。回紇縱兵大掠。意猶未厭。俶患之。父老請率羅綿萬匹以賂回紇。回紇乃止。

論曰。唐肅宗不足與定天下者也。靈武稱尊。覬覦大寶。急取兩京以固天位耳。夫李泌規取兩京之計。上策也。子儀取河東以復兩京中策也。肅宗不從李泌之上策而必出子儀之中策者。忘君父而毒生靈。輔國劫遷上皇。辟穀之禍兆諸此。而唐室終於不振矣。夫忠孝君國之大本。生靈天地之大命也。當是時。祿山盜據關洛。南不出武關。北不過涇陽。西不得隴右。以肅宗之很而加以

鄴侯子儀之才亦烏患祿山者屯兵靈武據河隴以臨長安迎駕川西首正大位此則當日定天下之至計而靖亂之大本矣泌之賢當幾此而特不可以陳諸肅宗之前耳夫肅宗何人也貪近功而竊天位者也與回紇約曰克城之日土地士庶歸唐金帛子女歸回紇傷天和而爲民贅賊亦烏用膺茲大寶爲哉結突厥以邀天功高祖之所以有唐也母亦詒謀之未善與廣平親拜葉護求緩西京俘掠當時百姓夾道歡呼哀已肅宗以夜深共榻之信臣說以困賊之至計不聽說以進覆賊巢之至計不聽而惟以克復兩京表請爲名於虜此泌之所以終歸衡山也世之儒者乃震耀子儀克復兩京以爲功蓋天下陋矣

子儀取兩京先取河東以分賊勢所謂謀定而後戰也鄴侯以兩軍繫四將使賊不戰自潰所謂不戰而

屈人之兵者也

李愬平淮西形勢圖說

唐憲宗元和九年吳少陽死子元濟自領軍務諸將討淮西久未有功五月上遣中丞裴度詣行營宣慰察用兵形勢度言淮西必可取狀十二年三月李愬謀襲蔡州表請益兵詔給昭義河中鄜坊步騎二千愬赦丁士良用之乙丑愬自唐州徙屯宜陽柵吳秀琳以文城柵降愬用其將李憲戊子愬引兵至文城西五里官軍與淮西兵夾澗水而軍諸軍相顧望無敢度澗水者陳許兵馬使王沛先引兵五千度澗水據要地爲城於是河陽宣武河東魏博等軍相繼皆度進逼鄆城丁亥李光顏敗淮西兵三萬於鄆城己丑愬遣山河十將董少玢等分兵攻諸柵其日少玢下馬鞍山拔路口柵夏四月辛卯山河十將馬少良下嵯岬山會官軍圍青陵絕城歸路乙未鄆城令董昌齡及守將

鄧懷金舉城降。光顏引兵入據之。吳元濟聞郾城不守。甚懼。時董重質將驛軍守洄曲。元濟悉發親近及守城卒詣重質以拒之。李愬山河十將嫪雅田智榮下冶廬城。丙申。十將閻士榮下白狗汶港。二柵癸卯。嫪雅田智榮破西平。丙午。遊弈兵馬使王義破楚城。丁丑。愬遣方城鎮遏使李榮宗擊青喜城。拔之。愬每得降卒。必親問委曲。由是賊中險易遠近虛實盡知之。乙酉。愬遣兵攻朗山。淮西兵救之。官軍不利。衆皆悵恨。愬獨歡然曰。此吾計也。乃募敢死士三千人。號曰突將。朝夕自教習之。使常爲行備。欲以襲蔡。會久雨。所在積水。未果。諸軍討淮西四年不克。饋運疲弊。民至有以驢耕者。裴度親自往督戰。八月庚申。度赴淮西。實行元帥事。以郾城爲治所。甲申。至郾城。先是諸道皆有中使監陳進退。不由主將。勝則先使獻捷。不利則陵挫百端。度悉奏去之。諸將始得專其軍事。戰多有功。九月庚子。淮西兵寇澠水鎮。甲寅。愬以往亡日攻吳房。殺其將孫獻忠。李祐謂愬乘虛襲蔡城。愬然之。命隨州刺史史景等留鎮文城。命李祐李忠義帥突將三千爲前驅。自與監軍將三千人爲中軍。命李進誠將三千人殿其後。軍出不知所之。愬曰。但東行。行六十里。夜至張柴村。盡殺其戍卒及烽子。據其柵。命士卒少休。食乾糲。整羈勒。留義成軍五百人鎮之。以斷朗山救兵。命丁士良將五百人斷洄曲。及諸道橋梁。復夜引兵出門。諸將請所之。愬曰。入蔡州取吳元濟。諸將皆失色。監軍哭曰。果落李祐姦計。時大風雪。旌旗裂。人馬凍死者相望。天陰黑。自張柴村以東道路皆官軍所未嘗行人。人自以爲必死。然畏愬莫敢違。夜半。雪愈甚。行七十里。至州城。近城有鵝鴨池。愬令擊之以混軍聲。自吳少誠拒命。官軍不至蔡州城下三十餘年。故蔡人不爲備。壬申。四鼓。愬至城下。無一人知者。李

祐李忠義鑷其城爲坎以先登壯士從之守門卒方熟寐盡殺之而留擊柝者使擊柝如故遂開門納衆及裏城亦然城中皆不之覺雞鳴雪止愬人居元濟外宅或告元濟曰官軍至矣元濟尙寐笑曰俘囚爲盜耳曉當盡戮之又冇告者曰城陷矣元濟曰此必洄曲子弟就吾求寒衣也起聽於廷聞愬軍號曰常侍傳語應者近萬人元濟始懼曰何等常侍能至於此乃帥左右登牙城拒戰時董重質擁精兵萬餘人據洄曲愬曰元濟所望者重質之救耳乃訪重質家厚撫之遣其子傳道持書諭重質重質遂單騎詣愬降愬遣李進誠攻牙城毀其外門得甲庫取其器械癸酉復攻之燒南門民爭負薪芻助之城上矢如蝟毛晡時門壞元濟於城上請罪進誠梯而下之甲戌以檻車送元濟詣京師淮西遂平

論曰河北天下之根本也淮西江淮之保障也昔者唐都長安以范陽慮龍斗絕東陲屯據重兵以禦外患祿山乘之長驅西指杲卿據常山今正定府以絕歸路祿山遂大懼張巡則思以睢陽蔽江淮抗天下之半而不可得睢陽在今歸德淮西在定府是則唐室欲靖藩鎮其必先河北而後淮西昭也乃當日李絳輩以河北難圖請先定淮西誤矣方憲宗奮發有爲欲革河北世襲之弊議先伐成德今正定府於虜此唐室攻討之先機而中興之根本也夫成德河北上游也昔者晉有成德而稱伯於中原趙有成德而縱橫於戰國使唐以李愬淮蔡之師指成德則成德下六鎮討成德兵十萬回環數千里既無統帥又相距遠期約難一故師出二年無功使以成德下北出范陽幽冀從風西定平原李愬謀勇兼資裴度親統軍令則成德必拱手自服矣

逾白馬道梁宋建瓴水於高屋騁駟馬於中逵淮西之地唐固卵而翼之此兵法所謂上兵伐謀

者也。且夫形勢無定也。昔人有言。天下之形勢。視建都爲推移。故宋都洛陽。武穆之師。先取申蔡。吳都金陵。公瑾之兵。鑒戰赤璧。誠以國之上游。不可不爭。而肩臂之勢。不能不厚也。此古今英雄謀取天下之至計。唐盈庭諸臣。固不足以語此矣。絳之言曰。願捨恆冀難致之策。就申蔡易成之謀。於唐之所以終亡於藩鎮也。夫善謀天下者。必先難而後易。漢高不聞捨成。臯而親擊燕趙。光武不聞捨河北而身入關中。晉武不聞先東吳而後圖西蜀。明祖不聞先中原而姑置吳越。用兵先後累葉大計。關焉彼李絳者。吾無論已。乃以裴相之賢。亦懲於六鎮喪敗。不聞建河北遠謀以救唐禍。惜哉。

後淮西平河北雖服旋踵背畔

宋由汴梁定天下形勢圖說

初趙匡胤爲周宿衛將。從世祖征討。屢有功。威望甚著。周顯德六年。幼主宗訓卽位。匡胤以殿前都檢點領歸德節度使。會北漢及契丹謀南寇。命匡胤禦之。次陳橋驛。軍亂。推匡胤爲主。遂入汴。卽帝位。太祖建隆三年。湖南張文表作亂。據潭州。周保權請救命。慕容延釗等將兵南下。假道荆南。遂入荆州。高繼沖懼。因籍三州以獻。時湖南已平。張文表宋帥長驅而進。克其潭州。還趨朗州。保權謀拒命。延釗襲執之以歸。荆楚悉定。乾德二年。王全斌等伐蜀。道出鳳州。別遣劉光義等出歸州。全斌進克興州。畧定山南諸城砦。進至益光。蜀人扼劍門以拒。全斌用降卒言。遣別將由來蘇徑出劍門。南出敵不意。遂克之。西至魏城。蜀人駭懼。孟昶出降。時劉光義亦克夔州。盡平陝中地。遂州迎降。於是引兵而西。會全斌於成都。畧定兩川。開寶三年。遣潘美等將兵伐漢。先是美爲潭州防禦使。遣將攻

南漢克其郴州。至是自道州而進克富州。拔賀州。轉趨昭州。克之。又拔桂州。及連州。大敗漢軍於蓮花峯下。拔韶州。韶漢之門戶也。漢人大懼。美進克英州。引兵屯馬逕。去廣州十里。漢人出戰。復敗。劉鋹乃降。盡平廣南州鎮。七年。遣曹彬等伐南唐。自荆南發戰艦東下。克其池州。進敗唐師於銅陵。遂次采石。以浮梁渡江。明年。彬又敗唐兵於白鷺洲。及新林港。別將克溧水。彬進次秦淮。唐兵陳於城下。涉水擊敗之。吳越亦發兵助宋。克其常州。潤州來降。又遣將敗其西江援兵於皖口。金陵勢益孤。城陷。李煜降。江南悉定。建隆初。錢宏俶卽遣使朝貢。及兵下江南。宏俶自帥兵助宋攻南唐。南唐亡。明年。遂來朝。尋遣還。太宗太平興國三年。復入朝。會陳洪進以漳泉二州來歸。閩宏俶懼。亦籍境內州軍以獻。於是閩越悉爲王土。四年。伐北漢。命潘美帥諸軍攻圍太原。復命郭進爲石嶺關都部署。斷燕薊援師。契丹來救。進敗之於白馬嶺。遂引去。帝復自將至太原。攻圍益急。繼元危困。遂出降。并代悉平。於是天下復歸於一。

論曰。宋祖之有天下。非有漢高先定關中之偉烈。唐祖除隋苛政之先聲也。且非有曹操平黃巾。除董卓拯漢室阽危之功也。乃其兵不血刃。底定四方。且易於漢唐者。果彼蒼默相而眷顧與。毋亦宋祖之仁智足以覆載天下而有餘耳。夫自古取天下者。往往未靜而先動。宋祖則純以靜馭動也。陳橋受命。黃袍加身。當是時。北有漢。西有蜀。南有荆湖。東有吳越。宋都汴梁。四面皆賊方厲。軍征討之不暇。而宋祖不顧也。贈韓通。賑諸州。立太廟。視國學。令羣臣撰先賢贊。欲令武臣讀書。知治道。觀其設施。若己殲羣寇而清中原也者。是故北漢會李筠來伐。而筠受死矣。文表作亂。據

潭州假道荆南以克之矣。蜀約漢濟河舉兵下汴而蜀從降矣。至開寶四年平南漢七月并江南李煜之侈劉鋹之暴宋固當奉詞以伐罪耳。蓋真主之取天下也。以智而其得天下也。以仁。宋祖之言曰。吾當救此一方民。又曰。凡克城寨止籍器甲芻糧。又曰。宇縣分割民受其禍。攻城之際必有橫罹鋒刃者。實可哀也。仁也。光義入蜀示以地圖指鑠江曰。軍泝流至此先以步騎襲擊勢卻以戰權夾攻取之必矣。遣守信伐漢。敕之曰。勿縱筠下太行。急引兵扼其隘。必克之知也。於是以一功不在國德不在民之都檢點。一旦以併天下君萬民。儻非有天錫之仁。智烏可哉。烏可哉。

狄青破智高崑崙形勢圖說

仁宗皇祐元年九月乙巳廣源州

安南諒山東北
宋羈縻州地

蠻儂智高反寇邕州橫江寨守臣張日新等戰死

詔江南福建等路發兵備之。四年五月智高陷邕橫諸州。遂圍廣州。智高卽州建大南國。自稱仁惠皇帝。改元啓歷。置官屬。時天下久安。廣南諸郡無備。智高所向守臣輒棄城走。遂陷橫貫藤梧康端龔封八州。魏瓘等力禦智高。廣州不陷。六月丁亥以狄青爲樞密副使。秋七月儂智高陷昭州。九月以孫沔爲廣南安撫使。初以沔知秦州。入見。帝以秦事勉之。對曰。秦事不足煩聖慮。陛下當以嶺南爲憂。臣觀賊勢方張。官軍朝夕當有敗奏。旣而昭州鈴轄張忠以敗聞。帝乃除沔湖南江西安撫使。沔憂賊度嶺而北。乃檄湖南江西曰。大兵且至。其繕治營壘多具燕犒。賊疑不敢北侵。行至鼎州。常

府

加廣南安撫使。智高寇擾日甚。嶺外騷動。楊畋等久無功。帝以爲憂。智高移書行營求邕桂節度

使。帝將受其降。梁適曰。若爾則嶺表非朝廷有矣。會狄青上表請行。遂以爲宣撫使。提舉廣南經制

盜賊事。諫官韓絳復言青武人不宜專任。帝以問龐籍。籍力贊青可用。且言號令不專不如不遣。乃詔嶺南諸軍皆受青節度。儂智高陷賓州。復入於青。時交趾請出兵助討智高。余靖以不宜許之。請於朝。狄青奏曰。假兵於外以除內寇。非我利也。以一智高橫踐二廣。力不能制。乃假蠻夷兵。蠻夷貪得忘義。因而啓亂。何以禦之。願罷交趾助兵。帝從之。十二月。狄青勒兵賓州。青行軍立行伍。明約束。野戰皆成營柵。至廣南合孫沔。余靖之兵。進次賓州。戒諸將。毋得妄與賊鬪。廣西鈴轄陳曙。乘青未至。輒以步兵八千擊賊。潰於崑崙關。殿直袁用等皆遁。青曰。令不齊一。所以致敗。晨會諸將堂上。揖曙起。并召用等三十二人。按以敗亡狀。驅出軍門。斬之。諸將股栗。莫敢仰視。五年春。青既誅陳曙。因按兵止營。令軍休十日。衆莫測賊覘者還言。軍未卽進。青明日卽整兵。自將前軍。孫沔將次軍。余靖爲殿。夕次崑崙關。黎明。整大將旗鼓。諸將環立帳前。待乃令發。而青已微服與先鋒度關。趣諸將會食。關外賊方覺。悉出逆。右將軍孫節搏戰死。山下賊氣銳甚。沔等懼失色。青執白旗麾番落騎兵從左右翼擊之。縱橫開合。部伍不亂。賊不知所爲。大敗走。追奔五十里。斬首數千級。賊黨黃師密儂建中等及僞官屬死者百五十七人。生擒賊五百餘。死者萬計。智高等縱火燒城遁去。由合江口入大理。遲明。青按入城。獲金帛鉅萬。招復老壯七千二百。嘗爲賊所俘。脇慰遣之。梟師密等於城下。歛屍築京觀於城北隅。時賊屍有衣金龍衣者。衆謂智高已死。欲以上聞。青曰。安知其非詐耶。寧失智高。不敢誣朝廷以貪功也。廣南悉平。捷至上。喜曰。青破賊。龐籍之力也。又曰。向非梁適言南方安危。未可知也。

論曰廣西之形勢最爲完固北有五嶺之阻西據鎮南之雄近時粵提蘇元春駐龍州連城所築砲台從龍州離二里起前後左右大

小共一百四十餘座南控交趾之險東臨西江之會論西南險要廣東而外吾必首及夫廣西蓋廣西

可戰可守之地也是故以天下言之則重在桂林以嶺南言之則重在梧州以廣西言之則重在

南甯曷言乎重在桂林也昔者黃巢作亂轉入桂林編筏浮湘席捲衡永由是下長江越淮泗擾

關洛戎馬充斥禍徧中原蓋東南大勢湖南傾則湖北必動湖北動則中原之聲勢通矣近特洪楊倡亂

亦自廣西踰嶺北出蹂躪中原智高作亂求鎮豈桂梁適曰若爾則嶺表非朝廷有及陷昭州孫沔憂其渡嶺而

北檄湖南江西繕治營壘亦以東南上遊之勢在桂林由桂林踰嶺而北東南必受其禍故曰重

在桂林也曷言乎重在梧州也梧州者據三江之口噤喉桂廣者也是故自西而東得梧州則摧

粵東之屏翰自東而西得梧州則破粵西之藩籬提兵壓敵利在深入則攻在梧州可也水陸交

會調運靈通則守在梧州可也上年粵亂岑督據梧州爲蕩平根本儂智高陷潯州橫州順西江東下過蒼梧之險

遂圍廣州故曰重在梧州也曷言乎重在南甯也南甯地居衝要南界欽廉唐制豈營控扼南服

元明戍守鎮壓東南北控柳慶南臨鬱水水陸交通自昔嶺南要會矣近年設省會於南甯亦以南甯在粵西有居中控扼

四方之勢故智高當日用兵初向南甯繼圍廣州終陷平樂賓州後復入南甯智高蓋奔走往還長顧

卻慮以爲東南形便未有切於南甯者矣青乘賓州下南甯夜度崑崙縱橫盪決縱火燒城智高

遂遁賓州據南甯上游智高坐不重屯賓州以厚南甯肩臂此又青之用賓州以取南甯用南甯以靖南服之至計也故曰

重在南甯也雖然形要原無定勢攻取亦無常形蒙古烏特里哈達從雲南入交趾北破橫山進

陷賓象。遂踰嶺。取辰。沅。戰於長沙。城下矣。於虜鎮南。天險非不可飛渡也。蒼梧東門。非不可逆沂也。今日英。窺蒼梧。法。伺龍州。鷹。麟。鶚。視著著。爭先。然則廣西之在今日。固非智高弄兵。潢池可以一戰底定者哉。

岳飛恢復中原形勢圖說

宋紹興六年。岳飛屯襄鄧。屢敗劉豫兵。上言金人立豫於河南。蓋欲以中國攻中國。願假臣歲月。提兵趨河洛。據河陽陝府潼關。號召五路叛將。叛將既還。王師趨汴。豫必北走。京畿陝右。可以盡復。然後分兵潛滑。經略兩河。逆豫成擒。金人可滅也。會劉豫寇淮西。楊沂中大敗之。藕塘。金人遂廢豫。遣使議和。九年。以河南陝地歸宋。旋叛盟入寇。盡奪所歸地。於是許飛等進討。飛發鄂州。遣諸將略京西諸郡。命梁興渡河。糾合忠義。復兩河州郡。時劉錡亦敗金人順昌。而韓世忠王德等復海州宿州。吳玠自河池敗金人於扶風。進克秦州。楊政自鞏州進拔隴州。破岐下諸屯。郭浩自延安復華州。入陝州。飛遂遣兵東援劉錡。西援郭浩。而自以其軍長驅關中原。破金人於蔡州。復其城。諸將所至克捷。西京汝鄭穎昌淮甯。東至曹州。皆下。飛大軍屯穎昌。以輕騎敗兀朮於鄆城。又敗之於臨穎。兀朮遁去。梁興敗金人於垣曲。又敗之於沁水。遂復懷衛州。斷太行道。絕金人山北河東之路。人金大懼。飛進軍朱仙鎮。距汴京五十里。與兀朮對壘而陣。遣背嵬騎五百奮擊。大破之。兀朮還汴。飛檄靈臺令行視諸陵葺治之。時兩河豪傑李通等帥衆歸飛。由是金人動息。山川險要。飛皆得其實。中原盡磁相澤潞晉絳汾隰之境。皆期日興兵。與官軍會。其所揭旗以岳爲號。自燕以南。金人號行不令。

兀朮欲僉軍應飛河北無一人應者乃歎曰自我起北方以來未有如今日之挫衄金將烏陵思謀素驍勇桀黠亦不能制其下但論之曰毋輕動待岳家軍來卽降金將王鎮崔慶李觀崔虎華旺等皆率所部降飛龍虎大王將忒查等密受飛旗榜自其國來降韓常亦欲以衆五萬內附飛大喜語其下曰直抵黃龍府與諸君痛飲耳方指日渡河而秦檜欲畫淮以北與金和諷臺臣請班師飛奏金人銳氣沮喪盡棄輜重疾走渡河而我豪傑向風士卒用命時不再來檜知飛志銳不可回乃先請張俊楊沂中等歸而後上言飛孤軍不可久留乞連召還飛一日奉十二金字牌乃憤惋泣下東面再拜曰十年之力廢於一日乃自郾城引兵還民遮馬痛哭飛亦悲泣取詔示之曰吾不得擅留哭聲震野飛留五日以待民徙從而南者如市飛還兀朮遣兵追之不及河南新復府州復爲金有飛至鄂力請解兵柄自是金人屯田治兵於中原王師不復問京洛矣

論曰昔人有言自古以西北并東南者多矣未聞以東南有西北者也蓋西北據江河上流以西北而爭東南也順而易以東南而圖西北也逆而難此自然之理也曩者岳武穆屯襄鄧克蔡州黃河南北風從響應說者曰岳武穆以東南有西北矣於虜是豈知天下形勢者哉宋室南渡偷息臨安張浚戮力經畧關陝浚以爲欲由東南復中原必圖關中欲圖關中必固川蜀欲固川蜀必扼荆襄迨金兵入關西至秦隴浚恐金人據陝窺蜀東南且不可保於是置幕府於秦州以控扼之旣而富平大敗六路盡沒浚召吳玠和尙原斷敵來路孫奭買世方等聚湓原鳳翔兵以固蜀口吳玠屯仙人漢中府鳳縣南百二十里王彥屯通州達州劉錡屯巴西綿州關師古屯武都階州蜀守始固川